

四庫全書

子部

欽定四庫全書

子部

古今事文類聚新集卷三十一

詳校官中書臣沈飈

侍讀臣孫球覆勘

總校官編修臣王燕緒

校對官中書臣王家賓

謄錄監生臣武先振

欽定四庫全書

古今事文類聚新集卷三十

元富大用撰

諸監部

著作郎

魏秘書監

歷代沿革著作郎周左史之任也漢東京圖書悉在東觀故使名儒碩學入直東觀撰述國史謂之著作東觀皆以他官領焉蓋有著作之任而未為官員也魏

明帝太和中始置著作郎官隸中書省專掌國史

衛覬

以待中尚書典著作

後又置佐著作郎亦屬中書省秘書監自

調補之

太康四年詔秘書無監使吏部選佐著作郎有監復舊又閭纂集云鄒湛謂秘書監和嶠

曰閭纂可佐著作嶠曰此職閭重勢貴多爭不暇求才按此則大著作亦監自調

元康詔曰

著作舊屬中書今秘書既典文籍宜改中書著作為

秘書著作於是改隸秘書後別自置省謂之著作省

而猶隸秘書著作郎一人謂之大著作專掌史任

李充

為大著作又荀勗以中書監孫盛以秘書監並領為著作孫綽以散騎常侍及陳壽並為大著作

佐

著作郎始到職必撰名臣傳一人

宋初廢其制

宋齊以來

遷佐於下謂之著作佐郎亦董國史集注起居梁初周捨裴子野皆以他官領其職與大著作同陳為令僕子起家之選後周屬春官之外史隋秘書省又領著作曹郎二人佐郎八人又有秘書正字之官唐為著作局亦屬秘書省掌撰碑誌祝文祭文與佐郎分判局事龍朔改著作郎為司文郎中佐郎為司文郎咸亨復舊初著作郎掌修國史佐郎貳之徒有撰史

之名而實無其任盡在史館其屬官有校書郎正字
宋以寄祿官元豐正名始實有職掌修纂日厯祭祀
祝辭則著作郎佐之初除林希為大著豐稷為小著
皆一時選也元因唐制為著作局有著作郎著作佐
郎亦隸於秘書監

羣書要語承明金馬著作之庭大雅宏達於茲為羣元
元本本殫見洽聞啓發篇章校理秘文

班固西
都賦

臣藝不

傳古學謝專家乏懷鉛之念慚夢腸之術謬勒斷蛇之

符預刊冰河之業珥筆史館記言文府

梁沈約謝著作表

掌東

觀陽秋之重

唐大詔令

地居華省職在修文

六帖

漢用史才任

先班固

晉推經術選在李充

漢推良史選在孟堅

晉重名儒任先弘度

並六帖

執簡東觀

後漢補志序

東觀著

述

杜牧之

著作乃論選之地唯才史是居

唐著作表

書笏珥彤

記言事於宣室

文選

左右史記言動之詳宰臣記時政之

要以授東觀會而成書

樂城黃庭堅制

蘭臺東觀實專撰述

初案

制

擢居著撰之局

胡文恭行制

領著作於秘丘

王璟制

入著秘

局

詩句夫子靜且直雍容時卷舒

東坡送岑著作詩

華蓋熒煌天

帝座蓬萊縹渺道家山

古今事實

直筆東觀

北齊天保二年詔中書令兼著作郎魏收撰後魏史初
帝令羣臣各言志收曰臣願得直筆東觀早出魏書故
帝使專其任

著作東觀

蘭臺令史班固傳毅洛陽令陳崇長陵令尹敏司隸校尉孟冀及楊彪等並著作東觀

採摭前記

班固典秘書採摭前記綴緝所聞以為漢書

博習舊聞

楊彪字文先少傳家學熹平中以博習舊聞召拜議郎與馬日磾盧植蔡邕等著作東觀

五葉著作

自司隸校尉奉至臣父五葉著作不絕鄉族以為美談
三世繼為

崔駰三世相繼其後無聞若乃談遷接武彪固踵跡亦
各一世之良

有史才遷

謝沈為祠部郎何充庾冰以沈有史才遷大著作

為文士冠

晉孫綽為廷尉卿領著作綽少以文才稱於時文士綽
為之冠

謂之館閣

北齊著作隸秘書謂之史閣亦謂之史館邢子才作詩
酬魏收冬夜直史館是也

甚有清才

王讚為著作郎甚有清才

請議限斷

陸士衡以文學為秘書監虞濬所請為著作郎議晉書
限斷

褒次興衰

蕭德言歷著作郎太宗詔魏徵虞世南褚亮及德言褒
次經史百氏帝王所以興衰者帝曰使我稽古臨事不
惑者公等力也

面折僚友

隋劉禪之父字翼字小心為著作郎峭直有行嘗面折

僚友短退無餘訾李百藥曰子翼言人多不憾

謂成門戶

唐許敬宗除著作郎謂所親曰仕宦不為著作無以成門戶

撰百家類

唐孔至歷著作郎明氏族學與韋述蕭穎士柳沖齊名撰百家類例以張說等為近世新族剗去之說子均方有寵怒曰天下族姓何預若事而妄紛紛者耶均弟素

善至以實告初書成示韋述謂可傳及聞均語懼欲更增損曰大丈夫奮筆成一家書奈何因人動搖有死不可改遂罷

料四部書

晉孝武帝好覽文藝敕著作郎徐廣料秘閣四部見書凡三萬六千卷

上明堂賦

唐劉允濟奏上明堂賦以諷則天甚嘉歎之拜著作郎

作應難篇

張瞻字仲應作應難篇司空張華晚見稱善命為著作

郎

王隱
昔書

作者舊傳

陳封作益部耆舊傳武帝善之命為著作郎

造乘輿箴

潘尼轉著作郎造乘輿箴

作劍閣銘

晉張載字孟陽作濛汜賦太僕傳玄見其賦歎息以車
迎載言談盡日載遂作賦起家徵為著作郎又作劍閣
銘世以為能除著作郎

因定禮儀

謁者僕射劉珍校書郎劉駒駘等因著作東觀撰集漢
記因定漢家禮儀上言請張衡叅定

後漢書

刪除典籍

李充為大著作於時典籍混亂充刪除煩亂以類相從

分為四部秘閣以為永制

藏崇緒
音書

老有士望

宋朝楊龜山在著作庭吳敏薦李綱併以公姓名納上前曰時亦老儒有士望可令閣門候對班尋召對論當世急務上喜遂擢用之

吳敏
手錄

顧義自守

張耒字文潛從蘇軾學轍見其文愛之蘇軾亦深知之稱其文汪洋澹泊有一唱三歎之聲元祐初為著作佐

郎改著作郎在館八年顧義自守泊如也

東都事畧

才謝呂望

程駿拜著作郎後魏獻文帝屢引駿與論易老之義顧謂羣臣曰朕與此人言意甚開暢又問駿年幾何對曰六十有一獻文曰昔太公既老而遭文王今卿遇朕豈非早也駿曰臣雖才謝呂望而陛下尊過西伯覲天假餘年竭六韜之効

徒取班馬

韓顯宗除著作郎高祖曾謂顯宗之才朕自委悉中省之品卿等所聞若欲取古人班馬之徒固自遼濶若欲求之當代之能卿等應推崔孝伯

北史

妳母著郎

宋何承天除著作郎時已老而諸佐郎並名家年少荀伯子嘲之常呼為妳母承天曰卿當云鳳凰將九子何

言妳母

談藝

上車著作

梁朝全盛時貴遊子弟多無學術諺云上車不落即著

作起居何如即校書

家訓

非軾不可

神宗為宰執議更官制至著作郎則曰非蘇軾不可

王鞏

聞見錄

引駿與論

見前程駿故事

古今文集

雜著

著作郎廳壁記

李華

化成天下莫尚乎文文之大司是為國史職在褒貶懲
勸區別昏明故駟牧頌於魯侯祈招諷於楚子史官之
任有述作焉蓋王者之元符生人之極教也昔沮誦蒼
頡為黃帝史臣文字以異其來尚矣其南正北正建於
顓頊羲氏和氏命於唐堯更虞夏商代序天地周官宗
伯之屬有太史正歲年以序事小史奠系代辨昭穆內

史受納訪以詔王聽理外史達書名於四方前志所載
有左史記事或箴王之闕或司過于朝所典不同其納
君於善一也傳曰天子有日官則史逸史伯是也諸侯
有日御則裨竈子韋是也倚相在楚南史在齊董狐在
晉邦之司直也其事舉則三靈不隱其政息則百度惟
危故先王貴之至於漢廷參用周禮太史公旣沒其子
遷緘金匱石室之文焉降及東京永平中特詔班固著
作東觀繼其事者楊彪蔡邕由是太史但掌天文律歷

而已小雅寢周聖人生魯道尊而文武將墜德至而天地不通感於獲麟歎於與蜡爰制國典丘明傳之因厯象以正時元假鬼神而討有罪善人勸焉淫人懼焉百代之英所由用也向若前代闕能文之史曠記事之官雖舜禹之烈無聞焉有國有家何以直道而行也魏太和年肇以著作名官為中書屬晉元康年改隸秘書朝服單衣介幘始親職必撰名臣傳歷宋齊梁陳官品第六元魏高齊周隋秩從五品魏則王沈以侍中兼之衛

觀以尚書帶之至於有晉若史才之美陳壽自佐郎遷
元舅之尊庾亮以中書領宋則徐爰何承天齊則沈約
裴子野梁則陸雲公姚察陳則顧野王張正見後魏則
崔光高允北齊則邢子才魏收周則蘇亮柳蚪隋則虞
綽王邵皆一朝名選也貞觀初詔梁文昭公鄭文貞公
統英儒盛才修五代史天子親垂筆削與春秋合符巍
巍乎史氏之光耀也因是開館於內別立史官多以著
作郎領帶其職而舊司所掌唯碑誌祭祀之文在焉然

以其能綜羣言且居百乘出典下國轉為郎官經緯斯
文昭宣有政或上遷秘書少監或擢拜中書舍人固不
易其任也天命元聖降而為唐唐之建官罔非俊乂若
虞永興德函大雅魏侍中才高王佐鄭吏部絕韻鏘鳴
崔司業雄詞飛動皆歷焉今上兼帝王之極功總文武
之能事思所以比崇軒皞紹美唐虞潤色乎大猷發明
乎皇道問誰獻箴則賓客崔氏問誰執簡則保傅吳公
胡諭德遊刃詩騷韋庶子貫珠今古濟濟多士時惟秉

文盛矣哉國風乎雅頌也名嶽已遷別封天柱舊章不改尚列周官登陟蓬萊之峯循環藏室之典從容簡貴信君子保明弘道之司歟今大著作清河崔公名傑天寶三載自秘書郎拜閱天祿之圖書踐人文之範圍澡身於三德研慮於六經執謙而光好善能擇惠風吟於秀木朗月鏡於安流代為元臣家曰茂緒壯宮室者必鄧林之條榦乎以儒雅之姿從班蔡之後揮綽令譽達於清朝則百祿隨之曷其有極矣先是命官之記不列

于齋以華職忝末班與聞前志拜命之辱敢叙官之守
云時天寶七載二月辛亥記

雙槿樹賦同崔少監作

盧照隣

賦曰方丈蓬萊邈矣悠哉芸局石室圖天揆日地則圖
書之府人則神仙之靈中有方薜鬱鬱亭亭兩砌分植
雙階並耀葉鏤五衢榮分四照青陸至而鶯啼朱陽升
而花笑紫蒂紅粧玉蘂蒼枚露華的皪風色徘徊寂寞
條列棲閒此地委命卷舒隨時榮艱外無嬰天之禍內

有逍遙之致則有亭伯儒門令思詩友翰苑擴其吞夢
文鋒高而照斗

律詩

送王龜齡自著作丞外補

洪邁

不奈諸公厭石渠年年送客意何如直言飽誦劉蕡策
大意爭傳賈誼書今日朝廷唯主聖異時風俗要人鉏
須君早晚歸遺補莫戀王門久曳裾

著作佐郎

歷代沿革同前著作郎沿革

羣書要語著作有局本隸修書

胡大恭行
范道卿制

著局有佐隸

修書之任故事到職作名臣之傳

宋敏求制

領佐史筵

高師說制

遷秘丘撰著之佐

迪制

書省有佐

孫詒制

佐修書筵

張子方制並胡

文恭行

佐著東觀

公是行李謹修制

佐麟臺之著撰

命佐選於

道山

並賤表類

蘭臺佐撰

王禹玉制

詩句子亦東南珍價重不可算

東坡送孫著作

古今事實

學行清修

晉陵朱鳳吳郡吳震並學行清修白首衡門老而未調

譚為監知有史才薦之為著作佐郎並稱其職

晉華
譚傳

聲姿清亮

後魏宋弁字義和為佐郎高祖孝文帝曾因朝會歷訪
治道弁年少官微自下而對聲姿清亮進止可觀高祖
稱善者久之由是大被知遇賜名為弁意取弁和獻王
楚王不知寶之理

為文華婉

崔融授著作佐郎為文華婉

極學清選

唐王義方曰臣去歲冬初雲陽下縣丞耳今春及夏陞下授臣著作佐郎極文學之清選

作南郊賦

郭璞作南郊賦獻帝嘉其才拜著作佐郎

撰西觀書

晉束皙字廣微博學多聞晚應司空辟月餘除著作佐郎西觀撰晉書草創三帝紀十志遷博士著作如故

賦歡喜詩

唐杜審言武后召之賦歡喜詩即授佐郎

作潏汜賦

晉張載字孟陽作潏汜賦傅玄見而嗟歎以車迎之言談盡日為之延譽遂知名起家著作佐郎

才堪著作

晉閻續字續伯祭酒鄒湛以續才堪著作薦於秘書監
華嶠嶠曰此職閒廩貴重勢多爭之不暇求其才遂不
能用

書善著述

陳壽善著述除著作佐郎時夏侯湛等多欲作魏書見

壽所作即壞已書

張華
別傳

并召賜緋

唐陽城以著作佐郎召并賜緋魚

知遇賜名

見前宋
并故事

兼修國史

敬播再遷著作佐郎兼修國史從太宗伐高麗帝名所
戰山為駐蹕播謂人曰鑾輿不復東矣已而果然

為後春秋

劉元濟累遷著作佐郎宋魯哀公後十二世接戰國為

魯後春秋

並唐
書

校勘館閣

宋王存少有立志為小官修潔自重為歐陽公所知趙康靖公薦召試擢秘書省著作佐郎館閣校勘校集賢院書籍

久在館閣

乾道三年七月梁克家奏曰著作佐郎劉焞久在館閣以拘資格除郎不行乞稍遷遂除

會要

文學知名

王安中字履道自號初寮先生政和中以文學知名除
宗學博士有密薦於上者除著作佐郎

才學世家

李炳字漢老伯父昭玘字成季元祐名士與晁張為徒
嘗為柱史炳才學能世其家政和末除書局遷著作佐

郎

並同上

十年不調

後周黎景熙正定古今文字於東閣大統末拜佐郎於

時倫章皆倍蕙常伯車服華盛惟景熙獨以貧素居之
而無愧色又勤於職然性尤專固不合於時是以一為
史官遂十年不調

三十方為

謝裕時會稽王世子元顯嬖人張法順權傾一時內外
無不造門唯謝裕不至年三十而方為著作佐郎

不為今吏

晉武帝欲以郭琦為著作佐郎問尚書郭璋璋憎琦不

附已答云不識帝曰若如卿言烏九家兒能事卿即堪
郎矣及趙王倫篡又欲用琦琦曰我已為武帝吏不能
復為今世吏終於家

與免遠官

嘉祐八年詔以秘書省著作佐郎安燾嘗中進士第三
人與免遠官今後以為例矣

司天臺

歷代沿革少昊氏以鳥名官鳳鳥氏為歷正

注鳳凰知
天時故以

名歷正
之官

高陽氏命南正重司天唐堯命羲和以閏月

定四時成歲歷象日月星辰敬授人時夏有羲和之
官三代各有太史周有馮相氏掌十有二歲十有二
月十有二辰十日二十有八星之位保章氏掌天星
以志星辰日月之變動以星土辨九州之地所封封
域分星觀妖祥以五雲之物辨吉凶水旱以十有二
風察天地之和秦有太史秦漢以來太史之任兼成
周太史馮相保章三職漢司馬談父子相繼為太史

令遷云文史星歷近乎卜祝至宣帝時修撰之職以他官領之由是太史之官唯知占候而已

自古太史之職雖以

著述為宗而兼掌歷象日月陰陽氣數司馬遷既沒之後續史記者褚先生劉向馮商揚雄之徒並以別職來知史務於是太史之署非復記言之司故張衡魚鼈王立高堂隆等其當官見稱惟知占候而已

故後漢太史令掌天時星歷而不及史掌晉太史令

品第七江左以他官兼領

高寶以侍中陳卓以義熙守吳道欣以殿中侍御史

兼宋有日觀即司天臺也齊梁陳並置隋秘書省太

史曹置令二人煬帝改曹為監唐因之武德改為太

史局龍朔改秘書閣局光宅改渾天監其令監置一人正五品又加副監及丞主簿府史等員其年又改為渾儀監長安二年復為局監依舊為令景龍二年又改局為監令名不改開元二年又改令為監其下一員改為少監肅宗改為司天臺掌察天文稽厯數日月星辰風雷氣色之異率其屬而占每季錄祥眚送門下中書省紀于起居注歲終上送史館歲頒厯於天下宋因梁曰司天監有太監少監判監或以他

官兼判又因同判之名以朝官充

太監及少監闕則置判監事二人以

五官正以上充

掌察天文祥異鐘鼓刻漏稽定厯數供諸壇

祭祀神位版畫日元豐行改為太史局有令有判局

有同判局選五官正以上業優考深者二人為判及

同判掌占天文及風雲氣候察祥異之事日具所占

以聞歲杪頒厯則造進御覽祭祀昏冠喪葬則擇所

用日政和因仍無所改其別局有天文院鐘鼓院測

驗渾儀刻漏所印厯所皆主占驗厯法元置司天臺

有監少監判官教授等員所掌亦同

羣書要語乃命羲和欽若昊天書敬授人時 俶擾天

紀 在璇璣玉衡以齊七政 協時月正日並同上 太史

頒正朔於郡國周禮掌邦之六典同上觀乎天文以察時變

易行夏之時語人代天工史分日月白氏視四時於玉

律 掌日之官司天之事 書雲之史窺管之官 日

月星辰乾象不忒 分至啓閉歲功有成 二十四氣

三百六旬 當同文之朝思稟正朔 奉天史之職宜

察天時

並同上

分司簡日

海錄碎事

玉律調元璿璣授歷思舉

日官之職用知天道之玄

宋廣平集

差進清臺之秩

胡大恭制

詩句秦地立春傳太史漢宮題柱憶仙郎

唐李白寄司勳員外詩

古今事實

司天歷候

孟春命太史司天日月星辰之行宿離不忒無失經紀

注宿猶止也離猶行也言占候纏次不可差忒也七曜

為經二十八宿為紀

禮記月令

日官底日

日官居卿以底日禮也注位如卿而不在六卿之數故曰居卿底致也平致也

左傳

作渾天儀

漢張衡為太史官研窮陰陽妙盡璇璣之正作渾天儀以漏水轉之於室內與天相應若符合

敘三辰

高陽命南正帝嚳亦敘三辰唐虞則羲和夏則昆吾殷

則巫咸周則史佚魯梓慎宋子韋齊甘德鄭裨竈魏石
內其巫咸甘石之說後代所宗

晉書

奏五官正

唐乾元二年知司天臺韓頰奏勅創置五官正職配五
方上稽五緯

奏五星差

治平元年初上即位司天監奏崇天厯五星之行及諸
節氣有差詔權判司天監周琮七人同造新厯

增六十甲子

至道二年司天冬官正楊文鑑上言請於新歷六十甲子外更增六十年事下有司判司天臺苗守信等議以爲元無所依據不可行用上曰支干相承雖止於六十年倘兩周甲子共成上壽之數使期頤之人得見所生之歲不亦善乎因詔有司新歷以一百二十甲子爲限

獻九卷新歷

興國四年司天冬官正吳昭素及劉內直苗守信造新

歷凡經紀為二卷晨昏為一卷日躔陰陽經一卷日出
入刻為一卷晝夜刻分一卷五更中星一卷共九卷以
獻上命衛尉少卿光象宗與明歷者同校定賜號乾元
歷上自製序

造渾儀式

興國四年以司天監學士張思訓為渾儀丞先是思訓
自言能為渾儀因造其式以獻上召南方上官於禁中
如其式造之踰年而成機思精至詔置於文明殿東南

隅漏室中因有是命

言渾儀制

至道元年十二月新鑄渾儀成先是司天秋官正韓顯符請言新鑄渾儀制度九事至鑄成於司天監築臺置之賜雜綵五十段

保章大夫

周禮有保章氏秦漢以來無其職後周春官府有保章上士中士至隋置厯博士又置保章正掌習厯唐長安四年改

厯博士為保章正掌教厯生乾元元年加五官之名
宋司天監有保章正慶厯詔十年一遷元豐改制掌
厯法及測景分至表準五年一遷官元有保章大夫

靈臺郎

後漢太史下別有靈臺丞掌靈臺掌候日月星辰魏太
史有靈臺丞主候望郎隋有天文博士唐初因之長
安二年改為靈臺郎乾道元年改五官之名宋司天
監有靈臺郎慶厯詔十年一遷元亦有靈臺郎之官

挈壺郎

周制夏官挈壺氏下士六人秋官司寤氏春官雞人凡三職咸掌其事自漢以後太史掌之唐長安四年始置挈壺正掌知刻漏孔壺為漏浮箭為刻以考中星昏明之候乾元元年加五官之名宋司天監有挈壺正元豐改太史局官惟挈壺正如故太史局官有五年一遷十年一遷試中而遷者惟挈壺正無遷者元有挈壺郎

羣書要語挈壺氏凡軍事縣壺以序聚櫟

周禮

挈壺正司

辰

唐六典

朝廷興居無節號令不時挈壺氏不能掌其職

焉

古今文集

雜著

辯陳壽蜀不置史館論

唐子西

禮記人君言則左史書之動則右史書之周禮建官備
矣獨不聞有所謂左右史者雖有太史然不以記注為
職是時諸侯皆有史豈天子獨闕乎春秋之時卜田宅

者占雲日者皆稱太史則太史殆陰陽家者流然書趙
盾者書崔杼者亦稱太史則太史又似掌注記者蓋方
是時學者適知天人而卜興廢者亦不純用著龜太史
伯以祝融之功而推楚國之必興太史趙以虞舜之德
而占陳氏之未亡其論議證據有絕人者故陰陽注記
得兼掌之漢司馬談父子為太史令以論著為已任而
又掌天官則兼掌之效於茲可見魏晉之際始置著作
郎自是太史之職分而為二孔明之時未也按後主景

耀元年史官奏景星見於是大赦改元而曰蜀不置史
妄矣

律詩

司天臺

李山甫

拂雲朱檻捧昭回
靜對銅渾水鏡開
太史只知頻奏瑞
蒼生無計可防災
景公進德星曾退
漢帝推誠日為迴
何事曠官全不語
好天良月鎖高臺

古今事文類聚新集卷三十

欽定四庫全書

古今事文類聚新集卷三十一

元 富大用 撰

諸監部

國子祭酒

歷代沿革虞帝曰夔命汝典樂教胄子書周師氏以三

德三行教國子凡國之貴遊子弟學焉保氏養國子
以道教之以六藝六儀成王時彤伯入為祭酒戰國

時荀卿年五十始來學於齊襄王時最為老師齊尚
修列大夫之闕而三為祭酒漢吳王濞年老不朝為

劉氏祭酒漢又置博士東漢置博士十四人而聰明

有威重者一人為祭酒謂之博士祭酒

胡廣曰凡官民祭酒皆一

位之元長古者賓得主人饌則老者一人舉酒以祭地故以祭酒為名

晉武帝置祭酒

一人永嘉中又置儒林祭酒一人以杜夷為之總統

學中衆事宋明帝置總明觀祭酒一人齊以尚書令

王儉領祭酒省總明觀齊梁號為國師陳及後魏亦

曰國子祭酒北齊國子寺有祭酒一人隋仁壽元年
省祭酒煬帝大業中復置祭酒唐祭酒為大司成領
六學國子太學四門律學書學算學皆以儒學優重
者為之祭酒一人從三品掌儒學訓導之政檢國
子太學廣文四門律書算凡七學太子視學皇太子
齒胄則講議釋奠執經論議奏京文武七品以上觀
禮凡授經以諸經各為一經兼習孝經論語考於歲
終考學官訓導多少為殿最宋元祐官品令國子祭

酒從四品元豐正名置祭酒掌三學之教法政令崇
寧置大司成一員宣和罷紹興十二年始置祭酒元
仍唐宋舊置國子監監掌學校有國子祭酒司業監
丞等員國子學太學隸焉

羣書要語凡侍坐於大司成者遠近間三席席間函丈
禮記有道之選教胄之班李嶠表庠均義重振古所崇師貴

道尊有來攸尚匪曰蘭芷疇變入室之情不自朱藍何

遷素絲之質

王儉諫國子祭酒表

寶劍未砥猶乏切玉之功美箭

闕羽尚無衝石之勢況才非會稽之竹質謝昆吾之金

至於敷教東宇流化上庠曠官何仰

王延朗讓國子祭酒表

師氏

之位必推其能

南豐文

祭酒一人秩二千石掌叙錄王國

嫡庶之從次及諸宗室親屬遠近郡國歲上宗室名若

有犯法當髡以上請

續漢書

漢選聰明威重者一人為祭

酒總領紀綱

後漢朱浮傳

今後國子祭酒司業及學官並須

取有德望學識人充

唐元和勅

祭酒者謂祭六神以酒酹之

也凡會同饗醺必尊長先用酒以祭地故曰祭酒

古今事實

司成館

唐司成館祭酒領六學皆以儒學優重者為之

祭酒堂

退之聽琴序云司業武公少儀總太學儒官三十有六
人列燕于祭酒堂

佩蒼玉

晉祭酒佩水蒼玉

晉志

服朱衣

南齊何胤為國子祭酒與太子中庶子王瑩並為侍中時胤輩作祭酒疑所服陸澄博古多據亦不能定遂以玄服臨試爾後羣議乃用朱服祭酒朱服自此始也

南史

一位元長

祭酒乃一位之元長

宋書

三世國師

梁王承好儒業轉國子祭酒承祖儉父暕皆為此職三

世為國學師前代未之有當時以為榮

梁史

以几杖授

吳王濞年老以劉氏為祭酒授几杖不朝

漢書

以安車迎

漢張安世薦蘇武明習故事奉使不辱命宣帝以武節著名臣令朝朔望號稱祭酒甚優寵之年老不拜迎以

安車

前漢

以宰相兼

唐文宗時鄭覃以宰相領祭酒又後唐天成中祭酒闕
中書奏祭酒之資歷朝所貴爰從近代不重此官况屬
聖朝須崇雅道望令宰臣兼祭酒勅崔協兼判

用同姓為

漢高祖七年自櫟陽徙長安置祭酒官以序近族故劉
向元帝時周堪薦向為宗室忠直明經有行為祭酒劉
德字路叔修黃老術少時數言事召見甘泉武帝謂之
千里駒昭帝初為祭酒丞後為祭酒

白孔
六帖

盧誕人師

盧誕本名恭祖拜給事黃門侍郎魏帝詔曰經師易得人師難得朕諸兒轉長欲命卿為師於是以誕為儒宗學府勅晉王以下皆拜之於帝前因賜名誕拜國子祭酒

蘇劉耆儒

建元七年高平蘇通長樂劉祥並以研學者儒通為禮記祭酒居於東庠祥為儀禮祭酒處於南序每月朔旦

率百僚親臨講論

崔鴻十六國春秋前秦錄

皇子問義

晉杜夷以儒學稱中宗以為丞相祭酒中興初皇子至夷舍執經問義

生徒聞喜

公遷祭酒奏儒生以為學官日使會講生徒聽聞喜曰

韓公為祭酒國子監不寂寞

唐李翱撰韓文公行狀

敷陳義理

隋元善賜爵江陽郡公後遷國子祭酒時帝親臨釋奠
命善講孝經於是敷陳義理兼之諷諫上大悅曰聞江
陽之說更起朕心

酬悉詰辯

趙弘智永徽中為陳王師講孝經諸儒更詰辯隨問酬
悉舌無留語高宗喜說賜絹三百疋終國子祭酒

請備學徒

晉袁瓌為國子祭酒時喪亂之後禮教陵遲瓌上疏云

請得給其宅地備其學徒帝從之國學之興自瓌始

晉史

請崇文學

蕭昕代宗時擢國子祭酒請崇文學以立教本帝悟其言詔羣臣有籍於朝及神策六軍子弟肄業者聽補生徒

忠正亮直

劉毅忠正亮直志尚清白為國子祭酒

清淑潛敏

劉智履德清淑秉心潛敏為博士祭酒

學行文質

賀德仁少與從兄德基俱為國子祭酒時人語曰學行

可師賀德基文質彬彬賀德仁

並唐書

言舉選限

陽城為國子祭酒上言古者卿大夫子弟及諸侯歲貢小學之異者入太學學成然後爵之唐興二監舉者千百數當選者十之二考功覆校次第謂經明行修故無

多少之限今考功限天下明經進士歲百人二監之得無幾然則學徒費官廩而博士濫天祿者也且以流外及諸色任者歲二千過明經進士十倍

輸光學錢

劉允章為國子祭酒建言羣臣輸光學錢治庠序宰相五萬節度四萬刺史一萬詔可

皆用故事

墨敕以方士葉靜能為國子祭酒桓彥範曰陛下始復

位制詔軍國皆用故事貞觀時以魏徵虞世南為監以
孔穎達為祭酒如靜能方伎猥下安足繼蹤前列

引皆名儒

陽嶠為國子祭酒引尹知章范行恭趙元默為學官皆
名儒冠

此人何在

孔戣元和中改國子祭酒嶺南節度使崔詠卒三軍請
帥宰相奏擬皆不稱旨因入對上謂裴度曰嘗有疏論

南海進蚶菜者詞甚中正此人何在抑求之度退訪或
曰祭酒孔戣嘗論此事度徵疏進之即日授嶺南節度
使

終身不恨

丘靈鞠領東觀祭酒曰人居官願數遷使我終身為祭

酒不恨也

同上

以散地處

唐權德輿以劉秩為祭酒置之國庠似在散地又元載

秉政忌楊綰望高建言太學當得天下名儒以清其選
即拜綰國子祭酒外示尊重而實以散地處之

能八風舞

祝欽明為國子祭酒帝與羣臣宴欽明自言能八風舞
盧藏用歎曰是舉五經掃地矣

所薦大儒

宋呂正獻公公著為祭酒以大學為教化之原故究心
經理舊制薦舉學官博士皆嚴其資格限年齒公為論

列寬其科條所薦學官如王回吳政姜潛張載皆一世
大儒王存顧臨為元祐名臣常秩吳申黃履朱臨盛僑
亦顯於世處士程頤隱居不仕公命博士即其家敦請
以為大學正頤固辭公即命駕過之

言行錄

宜處老成

鄭穆元祐中以寶文閣待制兼祭酒每諸生請益無間
寒暑雖童子必朝服延接以禮皆尊其經術而服其教
六年請老范祖禹言穆雖年七十精力尚強祭酒居師

資之地正宜處老成願毋輕聽其去不報於是公卿大夫各為詩贈其行空學出祖汴東門之外觀者如堵

四朝

國史

無逾楊時

楊龜山先生時字中立兼國子祭酒先是吳敏乞用時以靖太學時得召對即為上言諸生伏闕紛紛欲忠於朝廷耳本無他意但擇老成有行誼者為之長貳即定矣上喜曰此無逾卿者乃亟命時入太學召諸生慰

勞焉

言行錄

皆推汪解

汪解自布衣錄天子學至為正為司業為祭酒迄于司
成官以儒名者三十年時人皆推之

四朝國史

古今文集

雜著

讓成均祭酒表

李嶠

對揚鴻休揣摩編量獎飾踰分周惶增惕

中謝

臣才不應

務命實偶時非親非賢奉帷幄之侍無藝無術備鹽梅之臣排金門而上玉堂步鴛閣而遊鸞沼抱文離之沈疴曠密勿之繁機六翮不任但慙於背腹四肢已頓空請於骸體分辭榮於瑣闥仍藉寵於環林顧非席上之珍敢辱溝中之賞况東序蟻學稱為教化之宮西膠席門實應文章之宿論姬孔之制度談夏商之損益方期遺典墜業有可發明豈伊曲學謏聞所堪尸忝伏望俯停庸瘝改命耆儒則授几肆筵還知入廟之禮褒衣博

帶不濡在梁之翼

唐國子舞賦

天子斂賢才之地合禮樂之府命宗伯因四時之宜教
胄子以六代之舞惟德是務以和為主翕左手以執籥
就前軒以樹羽方將發揮五禮張皇六詩忽投步而赴
節乍整容而自持雖鏘鏘與濟濟必庸庸以祇祇及夫
鍾鼓鏗筥絲竹宴衍音容間起干旄迭見屹然山立歟
然風從觀者如堵曷不肅雍實經國之洪範蓋訓人之

中庸且樂以平其心舞以發其貌故無小無大是則是
效宜合國之子弟實教人於忠孝其儀不忒其德惟馨
遠人由是以來之故時無違命明神可得而禮矣故物
無遁形大哉聖人其道可久約我以禮樂弘我以孝友
覩蹺蹺之屢舞實循循之善誘文德溫恭則羽籥在歸
根之時武士發揚則干戈居孳萌之後夫手之舞之有
小有成童舞象弱冠舞夏並允洽於生靈良克諧於
風雅莫善於樂執而勿捨聖人若斯須而去身則孰能

垂拱於天下

古詩

石鼓歌

韓愈

憶昔初蒙博士徵其年始改稱元和故人從軍在右輔
為我量度掘臼科濯冠沐浴告祭酒如此至寶存豈多
聖人若許留太學諸生講解得切磋觀經鴻都尚嗔咽
坐見舉國來奔波

律詩

楊祭酒贈項斯詩

幾度見君詩總好及觀標格過於詩平生不解藏人善到處逢人說項斯

元豐感事詩

朱行中

冠帶橋門路雍容俊士闕微言尊靈靈小道屏閒閒禮樂高千古詩書到百蠻斯文知未泯壁水尚如環

國子司業

歷代沿革周禮樂正司業父師司成隋煬帝大業三年

於國子監初置司業一人禮記曰樂正司業父師司
成因以為名唐置二人從四品副貳祭酒通判監事
龍朔二年改為少司成咸亨初復舊凡祭酒司業皆
儒事之官非其人不居

歸崇敬授國子司業上言司業義在禮記樂正司業正長

也言業官之長同主此業爾雅云大板曰業按周頌詩設業設簏崇牙樹羽則業乃懸鍾磬之簏簏也今太學師不教樂於義則無所取請改國子監為辟雍祭酒為太師氏司業一為左師一為右師詔下尚書集百僚定議以聞議者重難改作其事不行

宋有同判監事同管勾監事

或帶職朝官充凡監事皆總之元豐正名置司業掌

三學之教法政令初除朱服建炎三年省紹興十二年復置隆興併省司業不許與祭酒並除乾道七年欲除劉焞孝宗曰司業乃祭酒之貳並置何妨於是始並置元仍唐宋舊置其官

羣書要語樂正司業

禮記

命副儒宮

韓文

帝求師儒貳我成

均進退作則動言是儆

柳文陽城遺愛碣

命樂正之官輔司成

之教往祗厥職毋使陽城韓愈之流專美前世

樂城除城喬制

司國子之教

初寮張勸制

師氏之職爾往叅之

曲阜行豐稷制

凡六

學生每歲有業成上於監者以其業與祭酒司業試之

隋志

古今事實

孔氏三世

孔穎達子志終志終子惠言三世司業時人美之

引告諸生

唐陽城為國子祭酒引諸生告之曰學者所以學為忠孝也諸生有久不省親者乎明日還養者二十輩有三

年不歸侍者斥之簡孝秀德行升堂上沈酗不率教者
罷之生徒斷斷皆有法度

勤誘後生

楊巨源為國子司業好學喜勤誘後生修講舍人以為善
職

當得名儒

宦者魚朝恩判國子監既誅楊綰言太學當得天下名
儒汰其選拜綰國子司業

請誦古詩

郭山惲累遷國子司業景龍中帝昵比近臣及修文學士詔徧為伎餘臣各有所陳山惲曰臣無所解請誦古詩乃誦鹿鳴蟋蟀篇未畢中書令李嶠以近規諷止之帝嘉其直下詔褒答

嘗寫九經

張叅為國子司業年老嘗手寫九經以為讀書不如寫書

所修儀注

韋叔夏遷成均司業久視元年制自今司禮所修儀注

並委叔夏刊定

並唐書

諸生請留

陽城為國子司業直言得罪太學諸生何蕃季儋等二百人頓首闕下請留城

諸生仰服

宋施大資師點字聖與公之為司業也諸生固已仰服

公日上堂延見勉之學古且務講求治亂之體使可為

世用士論歸之

言行錄

不奏瑞芝

黃簡肅公中為司業時芝草生武成廟官吏請以聞公
不答則陰畫以聞宰相召長貳詰之曰治世之瑞抑而
不奏何耶祭酒周公綰未對公指其畫曰治世何用此
為周退謂人曰黃公之言精切簡當惜不使為諫諍官
也

表上證義

王大寶字元龜知袁州暇日尋理舊所著述得周易證義十卷毛詩國風證義六卷表進上謂宰相曰王大寶所進書深得經旨其以國子司業兼崇政殿說書召賜

五品服

胡澹
菴集

古今文集

雜著

與太學諸生喜詣闕留陽城司業書

柳宗元

二十六日集賢殿正字柳宗元敬致尺牘太學諸生足
下始朝廷用諫議大夫陽公為司業諸生陶煦純懿熙
然大洽於茲四祀而已詔書出為道州僕時通籍光範
門就職書府聞之悒然不喜非特為諸生戚戚也乃僕
亦失其師表而莫有所矜式焉既而署吏有傳致詔草
者僕得觀之蓋主上知陽公甚熟嘉美顯寵勤至備厚
乃知欲煩陽公宣風裔土覃布美化於黎獻也遂寬然

少喜如獲慰薦於天子休命然而退自感悼幸生明聖
不諱之代不能布露所蓄論列大體聞于下執事冀少
見採取而還陽公之南也翌日退自書府就車於司馬
門外聞之於抱關掌管者道諸生愛慕陽公之德教不
忍其去頓首西闕下懇悃至願乞留如故者百數十人
輒用撫手喜甚震忤不寧不意古道復形於今僕嘗讀
李元禮嵇叔夜傳觀其言太學生徒仰闕赴訴者僕謂
訖千百年不可覩聞乃今日聞而覩之誠諸生見賜甚

盛於戲始僕少時嘗有意遊太學受師說以植志持身
焉當時說者咸曰太學生聚為朋曹侮老慢賢有墮窳
敗業而利口食者有崇飾惡言而肆鬬訟者有陵傲長
上而誅罵有司者其退然自克特殊於衆人者無幾耳
僕聞之恟駭怛悸良痛其遊聖人之門而衆為是沓沓
也遂退託鄉閭家塾考厲志業過太學之門而不敢跼
顧尚何能仰視其學徒者哉乃今奮志厲義出乎千百
年之表何聞見之乖刺歟豈說者過也將亦時異人異

無向時之桀害者耶其無乃陽公之漸漬導訓明效所致乎夫如是服聖人遺教居天子太學可無愧矣於戲陽公有博厚恢弘之德能容善偽來者不拒曩聞有狂惑小生依託門下或乃飛文陳愚醜行無賴而論者以為言謂陽公過於納汙無人師之道是大不然仲尼吾黨狂狷南郭獻譏曾參徒七十二人致禍負芻孟軻館齊從者竊屨彼一聖二賢人繼為大儒然猶不免如之何其拒人也俞扁之門不拒病夫繩墨之側不拒枉材

師儒之習不拒曲士理固然也且陽公之在於朝四方
聞風仰而尊之貪冒苟進邪薄之夫庶得少沮其志不
遂其惡雖微師尹之位而人實具瞻焉與其宣風一方
覃化一州其功之遠近又何量哉諸生之言非獨為已
也於國體實甚宜願諸生勿得私之想復再上故少佐筆
端耳勗此良志俾為史者有以紀述也努力多賀柳宗
元白

上巳日太學聽彈琴詩序

韓退之

與衆樂之謂樂樂而不失其正又樂之尤也四方無鬪
爭金革之聲京師之人既庶且豐天子念致理之艱難
樂安居之閒暇肇置三令節詔公卿羣有司至於其日
率厥官屬飲酒以樂所以同其休宣其和感其心成其
文者也三月初吉實維其時司業武公少儀於是總大
學儒官三十有六人列燕於祭酒之堂樽俎既陳饋羞
惟時醴苐序行獻酬有容歌風雅之古辭斥鄭衛之新
聲褒衣危冠與與如也有一儒生魁然其形抱琴而來

歷階以升坐於樽俎之南鼓有虞氏之南風賡之以文
王宣父之操優游夷愉廣厚高明追三代之遺音想舞
雩之詠嘆及暮而退皆充然若有得也武公於是作歌
詩以美之命屬官咸作之四門博士昌黎韓愈序之

送國子司業楊巨源序

韓退之

昔疏廣受二子以年老一朝辭位而去于時公卿設供
帳祖道都門外車數百兩道路觀者歎息漢史傳其事
後世圖其跡至今照人耳目國子司業楊君巨源方以

能詩訓後進一旦以年滿七十亦白宰相去歸其鄉今
楊與二疏其意豈異也予不知楊侯去時城門外送者
幾人車幾兩馬幾駟道邊觀者亦有歎息知其為賢者
否而太史氏又能張大其事為傳繼二疏蹤跡否今世
無工畫者畫與不畫不論也然吾聞楊侯之去丞相有
愛而惜之者以為其都少尹不絕其祿又為歌詩以勸
之京師之長於詩者又屬而和之不知當時二疏之去
有是事否中世士大夫以官為家罷則無所歸楊侯始

冠舉於其鄉歌鹿鳴而來也今之歸指其樹曰某樹吾先人之所種也某水某丘吾童子時所釣遊也鄉人莫不加敬誠子孫以楊侯不去其鄉為法古之所謂鄉先生沒可祭於社者其在斯人歟

祭竇司業文

韓退之

惟君文行夙成有聲江東魁然厚重長者之風一舉於鄉遂收厥功命守高平令制儒宮朱衣銀魚象服以崇我之獲見實自童蒙自視雛鰈望君飛鴻俱官於學以

織臨洪

律詩

送詹司業詩

陳后山

才難孰為吾君惜
果滿寧容我輩先
熟路長驅聊緩步
百金一發不虛弦

國子監丞

歷代沿革隋置三人
唐一人掌判監事
凡六學生每歲
有業成上於監者
以其業與司業祭酒
試之登第者

白祭酒上于尚書禮部宋景祐二年孫祖德請於直
講京官內差一員充監丞詔學官兼領掌錢穀出納
之事元豐定制置祭酒司業掌三學之教法政令而
監之事則丞與焉建炎三年省紹興十二年復置元
置二人

羣書要語徙國子監丞東朝東帶銀榜增華西序黻纓

環林益潤

唐張燕公集

當文治之朝奉成均之職

孔白

設屬

成均叅釐政令庶事之務惟丞是司

初寮除胡

丞於太

學

胡文恭制

丞於膠庠

進丞學省

上庠丞秩

用丞庠

學之榮

並同上

秩以學省之丞

公是行錢茂先制

古今事實

上書八千言

宋趙忠簡公鼎為相時先是國子監丞張戒上書幾八千言自謂忤聖意上謂宰執曰朕熟覽之其憂國愛君之心誠可嘉朕大開言路以防壅蔽自欲賞之趙鼎不答沈與求曰陛下如此何患不聞盡言

言行錄

古今文集

雜著

承廳連理樹賦

王履貞

靈臺崇崇兮洞膠輶以綿延中有珍丞木兮鬱森森以
芊芊且學為教原廳為糾局生於學者表王化之大同植
於廳者知官政之無曲亦所以據於德而遠於俗也樂
我皇道彰我聖年依君仁義之圃對君翰墨之筵俾為
我師者如斯木之一德為丞曹者如斯木之相全故瑞

不虛然從化而已化不在遠行之在近有善必應故得
託根講肄之宇垂陰夫子之牆雜庭槐以為列偶仙杏
而成行逢聖而生匪由乎日月以冀取善為寶孰尚夫
金玉其相

國子博士

歷代沿革六國時有博士掌通古今

又曰博士秦官漢
因之秩比六百石

漢多至數十人武帝初置五經博士宣帝成帝時五
經家法稍增置博士一人博士選有三科高第為尚

書次為刺史其不通政事以久次補諸侯大傅元始

四年改博士為博士師後漢兼而存之博士凡四十

人

易施孟梁丘京氏尚書歐陽大小夏侯詩齊魯韓毛禮大小戴春秋嚴顏各一博士韋嶠漢書曰初

欲立左氏傳博士范升以為左氏淺末不宜立陳氏乃詣闕上疏爭之更相辯對帝卒立左氏學掌

以五經教子弟國有疑事掌承問對安帝以博士多

非其人詔命三公將軍中二千石舉博士各一人務

得經明行高卓爾茂異晉咸寧四年初置國子博士

十五人皆取履行清淳通明典義若散騎常侍中書

侍郎太子中庶子以上乃得召試梁國學博士二人

置五經博士各一人

魏晉宋齊並不置五經博士至此始置

隋省國子

博士至大業復置唐國子博士二人正五品上掌教

文武官三品以上及國公子孫龍朔改為司成宣業

咸亨初復諸州府亦有經學博士一人廣文館博士

四人掌領國子學生業進士者天寶九載置廣文館

宋國子監無博士有直講八人熙寧改為太學博士

元豐定制亦無國子博士大觀元年薛昂乞置國子

博士四員國子正錄各二員與太學官分掌教導從之建炎併國子監於禮部紹興三年詔駐蹕所在因國子監量養生徒置博士二員元置二人

羣書要語博者博通古今士者辯於然否

漢官儀

生事愛

敬喪沒如禮兼崇載籍窮微闢輿則保舉

東漢中興舉博士科督郵

板狀

足下出文間為諸生之著龜作後來之綿繆得不思

居其位者不愧其道處於職者不墮其業乎否則來大

易負乘之譏招詩人伐檀之刺矣

皮日休移成均博士書

置博士

之職而著錄之生若雲開集賢之館而歛闕之學如市

文選召端師老德以為學官唐儒林傳博士不尋章張鷟集博士

師屬也韓文列於師官初察章殺制紬經訓胄鄭補之制宜寘博通

之列胡文恭除陳益制進遷學省充豫教官許恢等制擢任儒林之

官參司胄子之教潘風制博通領於儒叅李市逸制成均典教

葛偕制典胄之選公是行張會制博士道之淵藪魏高采上書教學以

導世治性為時養器其置學立五經博士以崇王化隆

風俗吳志詔

詩句評事不讀律博士不尋章

唐張鷟為車載斗量之詩時沈全交於南院吟

云三年國子師腸肚習藜苳

韓愈詩

儒庠恣遊息聖籍飽

商榷漸階羣振鷺入學誨螟蛉

並同上

古今事實

章甫冠

漢文帝時博士朝服玄端章甫冠

通典

兩梁冠

晉置國子學博士一人介幘兩梁冠服佩同

司馬彪百官志

端委佩玉

博士之職端委佩玉朝之大典以詢度之

晉中興書

尊異服冕

博士秩卑以其傳先王之訓故尊而異之令服大夫之

冕

荀綽晉百官表

八世皆為

漢歐陽歙自歐陽生傳伏生尚書至歙八世皆為博士

並前後

漢書

百年寢盛

武帝立五經博士迄於元始百有餘年傳業者寢盛

被詔特命

後魏崔逸為國子博士每公事逸常被詔獨進博士特

命自逸始

北史

掃門怪問

熊安生初仕北齊為國子博士武帝入鄴安生遂令掃門家人怪而問之安生曰周帝重道尊儒必將見我矣

俄而帝幸其第詔不聽拜親執其手引與同坐謂曰朕何如武王安生曰武王伐紂懸首白旗陛下平齊兵不血刃愚謂聖畧為優帝大悅賜帛三百疋米三百石宅一區并賜象笏及九環金帶其餘什物稱是

論勝賜席

殷亮建武中徵拜博士遷講學大夫諸儒論勝者賜席至八九重帝用嘉之曰學不當如是耶

待詔金馬

公孫弘對策第一入見拜為博士待詔金馬

論經石渠

歐陽高為博士高孫地餘以尚書授太子為博士論石渠張山拊事小夏侯建為博士論石渠周堪與孔霸俱事大夏侯霸為博士堪譯官令論石渠施讐言為博士甘露中與諸儒論五經同異於石渠

叅議禮樂

董鈞永平初為博士時草創五郊祭祀及宗廟禮樂威

儀章服並令鈞叅議多見從用當時稱通儒

後漢書

遣使關東

漢成帝遣博士使關東不稱詔曰儒林之官學海淵藪
宜皆通達國體故謂之博士否則學者無述焉非所以
尊道德也

使行風俗

漢元鼎中徐偃為博士使行風俗偃矯制使膠東魯國
鼓鑄鹽鐵還奏事張湯劾偃矯制法死偃以為春秋之

義大夫出疆有以安社稷利萬民可專也湯不能屈

使錄冤獄

前漢成帝初即位孔光為博士數使錄冤獄行風俗振
瞻流民奉使稱旨由是知名以高第為尚書

天下宗師

後漢朱浮以國學既興宜廣博士之選上書曰博士之
官為天下宗師使孔聖之言傳而不絕

為世表領

晉元帝時荀崧上疏曰昔咸寧太康永嘉之中侍中常侍黃門通洽古今行為世表領國子博士

說書稱善

桓榮年六十餘世祖召令說書甚善之每朝會令榮於公卿前敷奏經書帝稱善曰得生幾晚拜博士

同上

得人為慶

貞元八年以前江西府監察御史召拜博士朝士以得

人為慶

韓愈撰權德輿墓碑

博通五經

徐文遠博通五經隋大業初許善心薦為學官擢國子博士

考定經義

唐房昭遠為國子博士會上令國子生通一經者並悉薦舉將擢用之既策問訖博士不能時定臧否祭酒元善因令昭遠考定之昭遠覽筆便下初無凝滯或有不

服者昭遠問其所傳義疏輒為始末誦之然後出其所

短自是無敢飾非者所試四五百人數日便決儒者莫

不推其通博

唐書

叔孫制禮

漢叔孫通為博士初制漢禮

漢書

賈誼通書

賈誼頗通諸家之書年二十餘文帝召為博士年最少有詔議諸老未能言誼盡為之對人人各如其意所出諸生於是以為能文帝悅之超遷一歲至太中大夫

韓嬰詩易

韓嬰燕人也孝文時為博士景帝時為常山王太傅嬰推詩人之意而作外傳數萬言其語頗與齊魯間殊然其歸一也而燕趙間言詩者由韓生韓生亦以易授人推易意而為之傳燕趙好詩故其易微惟韓氏自傳之孝宣時涿郡韓生其後也以易徵待詔殿中所授易即先太傅所傳也嘗受韓詩不如太傅易深韓氏故專傳之

孔氏尚書

孔子之後孔忠生武及安國武生延年延年生霸安國
與延年皆以治尚書為武帝博士霸以治尚書事太傅
夏侯勝昭帝末年為博士霸生光經學尤明武帝初即
位舉為博士歷官至丞相

小戴說禮

孟卿東海人也事蕭奮以授后蒼魯閭丘卿蒼說禮數
百言號曰后氏曲臺記授沛聞人通漢子方梁戴德延

君戴聖次君沛慶普孝公德號大戴為信都太傅聖號小戴以博士論石渠由是禮有大戴小戴慶氏之學

張禹對易

張禹甘露中諸儒薦之有詔太子太傅蕭望之問禹對易及論語大義望之奏禹精習有師法久之乃試為博士

匡衡解頤

匡衡好學家貧傭作以供資用尤精力過絕人諸儒為

之語曰無說詩匡鼎來匡說詩解人願元帝時為博士

朱雲折角

朱雲授易頗有師道是時少府五鹿充宗貴幸為梁丘易自宣帝時善梁丘氏說元帝好之欲考其異同令充宗與諸易家論充宗秉貴辯口諸儒莫能與抗皆稱疾不敢會有薦雲者召入攝齊升堂抗首而請音動左右既論難連拄五鹿君故諸儒語曰五鹿岳岳朱雲折其角由是拜為博士

以經著姓

京房受易梁人焦延壽房授東海殷嘉河東姚平河南
乘弘皆為郎由是易有京氏之學

魯國先賢傳

前漢施讎言從

田王孫受易召為博士初丁寬從田何授易寬授田王
孫王孫授施讎言孟喜梁丘賀繇是易有施孟梁丘之學
嚴彭祖與顏安樂俱事眭孟孟曰春秋之意在二子矣
孟死彭祖安樂各顯門教授由是公羊有嚴顏之學彭

祖為宣帝博士

前漢書

通經奪席

戴憑習京氏易年十六郡舉明經徵試博士拜郎中時詔公卿大會羣臣皆就席憑獨立光武問其意對曰博士說經皆不如臣而坐居臣上是以不就席帝召上殿令與諸儒難說多所解釋帝善之拜為侍中後正旦百僚畢集帝令羣臣能說經者更相詰難義有不通輒奪其席以益通者憑遂坐五十餘重京師語曰解經不窮

戴侍中

後漢書

論難溫恭

桓榮拜博士車駕幸太學會博士論難於前榮溫恭繡籍每以禮遜相厭不以辭長勝人

詞義鋒起

王頰授著作郎尋令於國子宣授會高祖親行釋奠國子祭酒元善講孝經與高祖論難詞義鋒起高祖大奇之超授國子博士

發揚風雅

蓋文懿武德初歷國子助教時高祖引於秘書省學教授王公之子時文懿為博士文懿嘗開講發毛詩題公卿咸更相問難文懿發揚風雅甚得人之致敬

訓授道義

歸崇敬議以行純潔文詞雅正形容莊重可為師表者委以四品以上各舉所知在外敦遣為博士學生朝晡請益師不時堂上訓授道義示以文行忠信孝悌睦友旬省月試時考歲貢眡生徒及第多少為博士考課

書

五經並授

魏樂詳拜博士于時太學初立有博士十餘人其學多偏不敢親授備員而已惟詳五經業並授

為詩最精

漢文帝時申公為詩最精以為博士申公為詩傳號曰魯詩

廣文自始

鄭虔玄宗愛其才為置廣文館以虔為博士虔不知廣文曹司何在訴於宰相宰相曰上置廣文館以居賢者令後世言廣文博士自君始不亦美乎虔乃就職

經行宜充

薛廣德以魯詩教楚國龔勝師事焉蕭望之為御史大夫除廣德為屬數與論議器之薦廣德經行宜充本朝以為博士

稱九經庫

谷律那貞觀中累遷國子博士淹識羣書褚遂良嘗稱
為九經庫

有倚席譏

李絳請崇國學士疏曰博士有倚席之譏

瘦羊博士

甄宇拜博士每臘詔賜博士人一羊有大小肥瘦時議
欲殺羊分肉宇因取瘦者自是不復爭後召會詔問瘦

羊博士所在京師因為號

東觀漢記

不冠博士

漢王式為昌邑王師昌邑廢式繫獄當死曰臣以詩三百五篇朝夕授王至於忠臣孝子之篇未嘗不為王反覆誦之也使者以聞得減死論後徵為博士式衣博士衣而不冠曰刑餘之人何宜復充禮官竟謝病歸

李覺講易

宋李覺字仲明遷國子博士太宗幸國子監詔覺講易之泰卦覺因述天地感通君臣相應之旨太宗深為嘉

賞

昭素通經

王昭素博通九經及著易論三十三篇太祖召命講易因訪以民事昭素所言誠實無隱太祖嘉之又問治世養身之術昭素曰治世莫若愛民養身莫若寡慾太祖重其言書于屏風拜國子博士

並東都
事畧

轉對內殿

史越王浩為國子博士轉對內殿將復奏曰普安恩平

王皆聰明宜擇其賢者以繫天下之望高宗領之浩退

高宗目送之翌日除祕書郎兼二王府教授

朝野
雜記

名重朝廷

楊文節公萬里召為國子博士上疏乞留左司員外郎

張拭黜軍器少監韓玉玉罷由是名重朝廷

言行
錄

古今文集

雜著

進學解

韓愈

國子先生晨入太學詔諸生立館下誨之曰業精於勤
荒於嬉行成於思毀於隨方今聖賢相逢治具畢張拔
去兇邪登崇俊良占小善者率以錄名一藝者無不庸
爬羅剔抉刮垢磨光蓋有幸而獲選孰云多而不揚諸
生業患不能精無患有司之不明行患不能成無患有
司之不公言未既有笑于列者曰先生欺予哉弟子事
先生于茲有年矣先生口不絕吟於六藝之文手不停
披於百家之編紀事者必提其要纂言者必鉤其玄貪

多務得細大不捐焚膏油以繼晷恒兀兀以窮年先生
之於業可謂勤矣觝排異端攘斥佛老補苴罅漏張皇
幽眇尋墜緒之茫茫獨旁搜而遠紹障百川而東之迴
狂瀾于既倒先生之於儒可謂勞矣沈浸醲郁含英
咀華作為文章其書滿家上規姚姒渾渾無涯周誥殷
盤佶屈聱牙春秋謹嚴左氏浮誇易竒而法詩正而葩
下逮莊騷太史所錄子雲相同同工異曲先生於文可
謂閱其中而肆其外矣少始知學勇於敢為長通於方

左右具宜先生之於為人可謂成矣然而公不見信於人私不見助於友跋前疐後動輒得咎暫為御史遂竄南夷三年博士冗不見治命與仇謀取敗幾時冬暖而兒號寒年登而妻啼饑頭童齒豁竟死何裨不知慮此而反教人為先生曰吁子來前夫大木為杗細木為桷榑櫨侏儒椳闌扂楔各得宜施以成室者匠氏之功也玉札丹砂赤箭青芝牛溲馬勃敗鼓之皮俱收並蓄待用無遺者醫師之良也登明選公雜進巧拙紆餘為

妍卓犖為傑校短量長惟器是適者宰相之方也昔者
孟軻好辯孔道以明轍環天下卒老于行荀卿守正大
論以興逃讒于楚廢死蘭陵是二儒者吐辭為經舉足
為法絕類離倫優入聖域其過於世何如也今先生學
雖勤而不繇其統言雖多而不要其中文雖奇而不濟
於用行雖修而不顯於衆猶且月費俸錢歲糜廩粟子
不知耕婦不知織乘馬從徒安坐而食踵常途之促促
窺陳篇以盜竊然而聖主不加誅宰臣不見斥茲非幸

歟動而得謗名亦隨之投閒置散乃分之宜若夫商賈
賄之有亡計班資之崇卑忘已量之所稱指前人之瑕
疵是所謂詰匠氏之不以杙為楹而訾醫師以昌陽引
年欲進其狝苓也

議楊綰條貢舉狀

賈至

今兩京有太學州縣有小學兵革一動生徒流離儒臣
師氏祿廩無秩獨禮部每歲擢不其謬哉祇足長浮薄
之風啓傲倖之路矣其國子博士等望加員數厚其祿

秩選通儒碩生間居其職十道大郡量置太學館舍博士出外兼領郡官召至生徒依法考校如此則青青不復興刺擾擾由是歸本矣

古詩

贈鄭虔博士

杜子美

諸公衮衮登臺省廣文先生官獨冷甲第紛紛厭梁肉
廣文先生飯不足先生有道出羲黃先生有才過屈宋
德尊一代常坎軻名垂萬古知何用杜陵野客人更嗤

被褐短窄鬢如絲日糴太倉五升米時赴鄭老同襟期
得錢即相覓沽酒不復疑忘形到爾汝痛飲真吾師清
夜沈沈動春酌燈前細雨簷花落但覺高歌有鬼神焉
知餓死填溝壑相如逸才親滌器子雲識字終投閣先
生早賦歸去來石田茅屋荒蒼苔儒術於我何有哉孔
丘盜跖俱塵埃不須聞此意慘愴生前相遇且銜杯

律詩

送國子博士令狐赴興元覲省

劉禹錫

相門才子高陽族華省清資五品官諫院過時榮棣萼
謝庭歸去踏芝蘭

國子助教

附國子
教授

歷代沿革晉武帝初立國子學置助教十五人官品視
南臺御史服同博士東晉孝武損為十人宋齊同梁
班第二陳品第八秩六百石後魏第七品北齊置十
人隋初置國子助教三人大業三年減置一人唐增

置一人宋置國子四門助教元置國子助教二人國子教授四人

古今事實

以經文授

劉執思渤海人也遷國子助教以經文授皇太子正直

純厚有儒者之風

北齊書

以能詩召

宋至道元年布衣潘閬對於崇政殿賜進士及第授國

子四門助教閭賣藥京師好交結上左右有言其能詩者因召見而有是命未幾復追還詔書

古今文集

雜著

國子助教薛君墓銘

韓愈

君韓公達字大順少氣高為文有氣力務出於奇以不同俗為主始舉進士不與先輩揖作胡馬及圓丘詩京人未見其書口相傳以熟及擢第補家令主簿佐鳳翔

軍軍帥武人君為作書奏讀不識句傳一幕以為笑不為變後九月九日大會射設標的高出百數十尺令曰中酬錦與金若干一軍盡射莫能中君執弓腰二矢指一矢以興揖其帥曰請以為公歡遂適射所一座皆起隨之射三發連三中的壞不可復射中輒一軍大呼以笑連三大呼笑帥益不喜即自免去後佐河陽軍任事去害興利功為多拜協律郎益棄奇與人為同今天子修太學官有公卿言詔拜國子助教分教東都生元和

四年卒銘曰官不遂歸譏於時身不得年又將尤誰世再絕而紹祭以不隳

太學博士

歷代沿革魏太學置五經課試之法置春秋穀梁博士東晉增置國子博士十六人謂之太學博士北齊國子寺有太學博士隋罷國子唯立太學置博士五人唐增置三人掌教文武五品以上郡縣公子孫鄭覃請太學五經置博士祿廩比王府官宋元豐三年詔

改國子監直講為太學博士每經二人掌分經講授
考校程文以德行道藝訓導學者紹聖元年左司諫
翟思言熙寧更置太學博士正錄雖有朝廷特除然
類令國子監長貳薦舉以次除授元祐以來罷去試
法請自今除學官依舊法召試從之紹興置太學博
士三員元置四人

羣書要語以文學為官

南豐制

宜率勵多士首善京師以

風四方以教導為官

曲阜集

矧由辟海進陟道山

同往司上

講解

樂城制

賢關養士衆建師儒宜爾褒遷遂專訓導

初察

制敷學省之經

胡文恭制

置在庠講之員

同上

西域氏之教其

徒日以講習決釋其法為事吾之視太學又足以為西

域氏之羞矣奚不日戒其屬月勵其徒年持六籍日決

百氏俾諸生於聖典也洞知大曉

皮日休與博士書

詩句先生萬古名何用博士三年冗不治

蔡天啓為博士三年

古今事實

服大夫冕

博士秩卑以其傳先王之訓故尊異之令服大夫冕

荀綽

晉百官表

比王府官

唐鄭覃既名儒故以宰相領祭酒講大學五經置博士

祿秩比王府官

唐本傳

馬光升堂

馬光為太學博士嘗因釋奠高祖親幸國子學王公以下畢集光升堂講禮諸儒生以次論難皆當時碩學光

剖析凝滯

德明賜帛

陸德明為太學博士高祖已釋奠召博士徐文遠浮屠
慧乘道士劉進喜各講經德明隨方立義徧析其說帝
大喜曰三人者誠辨然德明一舉輒蔽可謂賢矣賜帛
五十疋

六儒並授

隋馬光開皇初高祖徵山東義學之士光與張仲讓孔

龍寶仕榮張買奴劉祖仁等俱至並授太學博士時人

號曰六儒

隋書

一時皆冠

大業初許善心薦徐文遠及包愷褚徽陸德明魯達為學官文遠擢國子博士世稱左氏有文遠禮有褚徽詩有魯達易有陸德明皆一時之冠

徵質凝滯

謝沈康帝即位議七廟迭毀於是以太學博士徵之質

凝滯也

晉中興書

講甚精博

唐王恭少篤學教授鄉閭弟子數百人貞觀初召拜太學博士講三禮別為義證甚精博蓋文懿文達皆當時大儒每講徧舉先儒義必暢恭所說

諸生橫卷

光武起太學博士舍內外講堂諸生橫卷為海內所集

後漢書

學生文名

胡安國遷太學博士學生以文自名每一篇成置錦囊
中游公卿間轉囑公處之職事乃袖刺至博士舍公問
所為文其人曰比為聲明取去聲明者祭酒薛昂也他
日又問之對曰近真公達所公達者中書侍郎劉達也
於是公鄙其為人公為師儒謹所好惡如此

言行錄

精選博士

淳化三年楊徽之上言文士雖多而通經甚少精選五

經博士各專業教胄子此風化之本也

薦除博士

秦觀字少游元祐初蘇軾以賢良方正薦於朝除太學

博士

事畧

恩錫有差

權邦彥字朝美為太學博士徽宗幸學設幄堂上天顏
喜甚恩錫有差延見諸生命公講下武詩言明理暢

被旨奏對

陳忠肅公瓘字瑩中為太學博士被旨奏對論稽古造
膝之言遂明繼述之義泰陵喜所未聞反復詰問語遂
移時迫於進膳公乃引退上意感悟約公再見有變更
時事之意泰陵聖顏英睿臣下奏對往往攝於天威少
或契合公召見遽以人所難言逆意開陳辭達義明使
人主豁然感悟由是縉紳士夫罔不欽服蘇黃門聞之
撫几歎曰吾兄東坡最善論事然亦不知出此以書抵

公歎譽甚至

言行錄

古今文集

雜著

除太學博士謝陳丞相啟

呂伯恭

里閤湮沈久安分守膠庠清遠驟被詔除夫何遯遠之蹤猶在選掄之數竊以合蒸髦於萬寓諫以度程嗣絕學於六經司其訓詁名掛成均之屬號為儒者之先於秩雖微所繫實大苟訓迪漸摩之本曾弗玩心則呻吟咕嗶之餘焉能塞責厥職升降視人重輕如某者氣稟

顯蒙志尚疎闊定交鉛槧不知歲月之多借助韋絃未
覺悔尤之寡每因晏豫竊自揣量惟材謏故不足俎豆
英遊惟識眊故不足權衡世變繼以閔憂之積益於寵
利之疎干命義而傲求匪惟失已飾庸虛而銜鬻又復
欺人徒欲粗試於州縣簿領之間曷敢自通於廊廟鈞
陶之上忽惠除書之及罔知拜賜之端意者槩視戚疎
曲加誘掖畀教導之任使預懷無廢之慚寬奔走之期
使尚有討論之暇進之以作其怠緩之以俟其成自視

缺然何以領此斯蓋伏遇某官翼宣天綽弼亮皇猷深
惟封殖於丕基疇若招徠於羣獻荆金梁鐵貢九牧以
並登粵鏹燕函列百工而咸在多取或容於舛誤廣求
遂逮於孱愚某敢不紬繹舊聞研思微旨千年蠹簡儻
輸毫髮之勞一世龍門庶答丘山之施過此以往未知
所裁

律詩

再至學省作

王介甫

平生擾擾復膠膠學省重來歲又交騎馬醉遭官長罵
讀書慚被學生嘲何為眷戀米五斗便可經營把一茅
好買江干千箇竹待看煙雨長春梢

除書學博士初朝謁呈時宰 米元章

半生湖海看青山慣佩笭簞攬轡艱曉起初馳朱雀路
霜華慙綴紫宸班百寮卑處瞻丹陛五色雲中望玉顏
浪說書名落人世非公那解徹天關

太學助教

歷代沿革後魏置太學助教八品中北齊國子寺有太學助教二十人九品下後周置太學助教上士六人隋初五人正九品下大業三年減為二人唐增置三人宋置四門助教元置四人太學助教

古今事實

李訓別與

唐李德裕太和中為平章事時文宗欲李訓為諫官德裕諫曰李訓小人不可在陛下左右文宗曰人誰無過

俟其悛改德裕曰聖人有改過之義訓天性奸邪無悛改之理帝乃顧王涯商量別與一官乃授四門助教

邢惇悅除

宋邢惇以布衣召對真宗東封還雍丘問以治道惇曰陛下東封西祀皆已畢矣臣復何言上悅除四門助教

古今文集

雜著

凌助教蓬屋題詩序

柳子厚

儒有蓬戶甕牖而自立者河間凌士燮窮討六籍皆有
著述而尤邃春秋為儒官守道端莊植志不回在京師
十二年家本吳也欲歸而不可得遂構蓬室以備揖讓
之位棟宇簡易僅除風雨蓋大江之南其舊俗也所謂
求仁而得斯固然歟夫厚人倫懷舊俗固六義之本羣
公是以有發德之什書在屋壁余序而引之

四門助教廳壁記

柳宗元

周人置虞庠于四郊以養國老教胄子祭統曰天子設

四學蓋其制也易傳太初篇曰天子旦入東學晝入南學夕入西學暮入北學蔡邕引之以定明堂之位焉大戴禮保傳篇曰帝入東學以貴仁入南學以貴德入西學以貴信入北學以貴爵賈生述之以明太子之教焉故曰為大教之官而四學具焉叅明堂之政原大教之極其建置之道弘也後魏太和中立學於四門置助教二十人隋氏始隸于國子而降置五人皇朝始合於太學又省至三人員位彌簡其官尤難非儒之通者不列

也四門學之制掌國之上士中士下士凡三等侯伯子男凡四等其子孫之為胄子者及庶士庶人之子為俊士者使執其業而居其次就師儒之官而考正焉助教之職佐博士以掌鼓篋榎楚之政令分其人而教育之其有通經力學者必於歲之杪升於禮部廳簡試焉課生徒之進退必酌於中道非博雅莊敬之流固不得臨於是故有去而升於朝者賀秘書由是為博士歸散騎由是為左拾遺舊制以拾遺為八品清官故必以名實


者居於其位貞元中王化旣成經籍少間有司命太學之官頗以為易專名譽好文章者咸恥為學官至是河東柳立始以前進士來署茲職天水武儒衡閩中歐陽詹又繼之是歲四門助教凡三人皆文士京師以為異余與立同祖與武公同升於禮部與歐陽生同志於文四門助教署未嘗紀前人名氏余故為之說而由夫三子者始

律詩

贈敬睦助教

釋無可

禁掖人知連狀薦國庠官滿一家貧清儀都道蓬瀛客
直氣堪為諫諍臣



古今事文類聚新集卷三十一